


TEZAU LITURGIC
30 IULIE

ACATISTUL
SF. CUVIOASE
ANGHELINA
BRANCOVICI
A SERBIEI
I



MOSCOVA, 2000



Акафист

святой блаженной

Ангелине Сербской

Кондак 1

Избранней воеводе Христовой,
благочестивым и многострадальным житием и
любовью велицей к ближним стяжавшей свободу
от Господа, теплые сыновние молитвы возносим.
Помози нам, мати наша, спастися от зла мира
сего и Царствие Небесное наследовати, темже
тебе тамо узрев, восклицати:

Радуйся преподобная Ангелино, мати
небесной доброты и милосердия.

Икос 1

Ангелам подобна сущи, имя ангельское
носила еси достойно, Христа возлюбивши и Тому
подражавши, богоугодно на земли пожила еси,
благочестивых и богопрославленных чад роди, и
яко мать истинная о народе сербстем
попечение имеше. Велию любовь твою к нищим
и неимущим показала еси, тии же с любовью

тебе матушкой Ангелиной именоваху. Мы же ти похвалу сию возносим:

Радуйся, Небесная твердоте наша; Радуйся, Духом Святым просвещенная; Радуйся, милосердием позлащенная; Радуйся, сладость доброты изливающая; Радуйся, земле многоплодная; Радуйся, отрасли благородная; Радуйся, рода сербского славо; Радуйся, матери наша небесная; Радуйся, молитвенница наша пред Богом; Радуйся, преподобная Ангелино, матери небесной доброты и милосердия.

Кондак 2

Видим тя рождену от родителей благочестивых, матери Ангелино, в роде албанском, в те поры православным и верным, в доме, идеже всякий день послушаше слова молитвенныя и возносима бысть небесная песнь Господу: Аллилуия.

Икос 2

Разуму тебе, благочестивая мать твоя от первых дней наставляла еси, матери Ангелино, да Господа любиши, Тому молишия и на Него упования возложиши, якоже провиде вся

искушения твоя тяжкие в будущем. Тем
воспеваем ти сице:

Радуйся, яже измлада добродетели
возлюбившая; Радуйся, ангельского имени
сподобльшаяся; Радуйся, доброго семени доброе
прозябение; Радуйся, благочестивых родителей
светлое чадо; Радуйся, благочестия исполненная
от младенчества; Радуйся, цвете, любовью
Христовой напоенный; Радуйся, серно, млеко
Святаго Духа напитающая; Радуйся, птице, к
высотам небесным устремленная; Радуйся, яко
дар еси велий твоего племени народу сербскому;
Радуйся, преподобная Ангелино, мати небесной
доброты и милосердия.

Кондак 3

Силою свыше укрепляема возросла еси
предивная дево, красоты необыкновенной и
мудрости, мати Ангелино, преисполнися
евангельских добродетелей, чудесным светом
осияваема баше. Ты же ангельский свой зрак
украшаше сладкозвучной песнию Господу
щедрот: Алилуия.

Икос 3

Имела еси, мати Ангелино, якоже прекрасное древо райское, да благой цвет процветши, во время подобно добрый плод принесеши, чад благочестивых и возвеличенных, ихже Господь благодатию святости прославит, трудов их ради народу сербскому во благо и защиты ради веры православныя. Темже благодарне тя величаем:

Радуйся, душею Ангелом подобная; Радуйся, в евангельских добродетелях утвержденная; Радуйся, смиренная и тихая раба Божия; Радуйся, святых Бранковичей похвало; Радуйся, яко питала еси чад своих млеком благочестия Христова; Радуйся, злобных духов победительнице; Радуйся, доброт небесных дарительнице; Радуйся, мати рода сербскаго; Радуйся, ласточка Христова, от юга прелетевшая; Радуйся, преподобная Ангелино, мати небесной доброты и милосердия.

Кондак 4

В землю отечества твоего, преподобная мати Ангелино, отца твоего достиже Стефан Бранкович, деспот сербский, иже бе слеп, гоним и всеми отвергнут. Ты же зрящи его

ослепленного в сердце своем радостно воспела
Господу Любви: Аллилуиа.

Икос 4

Взирающе на сего млада деспотовича,
исполнялася еси стыдливости небесней, зряще в
нем лепоту душевную благородну и благу, и
якоже подобает, умоли родителей да благословят
тебе брак с ним. Мы же своей греховности и
нечистоты стыдяся, воспеваем ти, мати
Ангелино, тако:

Радуйся, невесто благочестивая слепаго
королевича сербскаго; Радуйся, яко презрела еси
тленное богатство; Радуйся, яко просияла еси
славой небесной; Радуйся, яко ум управляла еси к
небесным высотам; Радуйся, яко преселилася
еси в обители небесныя; Радуйся, яко
наслаждаешися славой неизреченней; Радуйся,
яко с материнской заботой с небес на нас
взираеши; Радуйся, яко пребываеши во свете
неприступнем; Радуйся, яко со Ангелы
радуешися на Небесех; Радуйся, преподобная
Ангелино, мати небесной доброты и милосердия.

Кондак 5

Ведала еси, мати Ангелино, яко житие со слепым супругом, аще и деспот бе, скорбно ти будет и многую горечь принесет ти. Но глас Божий, егоже присно слушала, повелел ти ради высшаго блага соединить душу твою с душою многострадальнаго, да отныне вкупе поете Богу: Аллилуиа.

Икос 5

Господь же, всем жизнь подающий, даде и тебе, мати Ангелино, и верному супругу твоему Стефану трех дивных и благородных чад, Георгия, Иоанна и Мару, да их возрастите во страсе Божиим и чистоте евангельстей. Темже ты призываем:

Радуйся, святая мати, тебе же сыновья превзошли в святости; Радуйся, добрая их наставнице во благочестии; Радуйся, светоносная звездо Небесная; Радуйся, усердная защитнице наша; Радуйся, веселие в скорбях пребывающим; Радуйся, яко все житие свое Господу предала еси; Радуйся, озаренная светом богомыслия; Радуйся, яко веру Православную ревностно хранила еси; Радуйся, теплая и

усердная молитвеннице народа сербскаго; Радуйся, преподобная Ангелино, мати небесной доброты и милосердия.

Кондак 6

Нападоша безбожные агаряне на христианскую Албанию скоро, убивая всех иже пред собою видеша. Того ради переселися, святая Ангелино, с семьей в западную Италию, и вкупе с православными христианами, идеже там живущими, единодушно воспели Богу: Аллилуиа.

Икос 6

Зде, преподобная Ангелино, с верным своим супругом Стефаном, прилежно растила чад во страхе Господнем. Абие преставися супруг твой ко Господу, по нем же и дочь твоя отроковица Мара преселися в духовныя обители. Яко серна уязвленна моляше Господа да сохранит сыны твоя, да ти в старости опорой и утешением будут. Скорбя с тобою, и мы восклицаем:

Радуйся, верная супруго мужа многострадальнаго; Радуйся, благородное древо Христово; Радуйся, яко плод утробы своея Христу принесла еси; Радуйся, яко душу к

вышним добродетелям устремила еси; Радуйся, яко до конца Богу верна была еси; Радуйся, яко бесовское лукавство аки паучину разметала еси; Радуйся, мудрым девам во Царствии Небеснем приятельнице; Радуйся, в светильнике своем елей сохранившая; Радуйся, со славою Женихом Небесным принятая; Радуйся, преподобная Ангелино, мати небесной доброты и милосердия.

Кондак 7

В нищете и скорби живуци, преподобная Ангелино, умоли царя угорскаго Матия, он же тебе и чадам твоим подари град Купиново в земли сремской на реке Савве, да будете князья народу сербскому. Народ же сербстий тя аки родную прият, аще и чужеземка была еси, и благодарно возглашаху Богу: Аллилуиа.

Икос 7

Новое безценное сокровище и благословение Божие многострадальному народу сербскому принесла еси, преподобная Ангелино, святии и нетленные мощи мужа твоего, святого Стефана, егоже Господь по смерти абие прослави и многая чудесная исцеления являше.

Благодарный же народ со слезами радости
поюще тебе сице:

Радуйся, благословение Господне народу
сербскому; Радуйся, яко православных
благодатию Божией озаряеши; Радуйся, яко
грешных к покаянию приводиши; Радуйся, яко
в сердца верующих страх Божий насаждаеши;
Радуйся, яко здравие душевное и телесное
многим даровала еси; Радуйся, яко токмо от
Царя Небеснаго славы взыскала еси; Радуйся,
яко земную суету вресноту презрела еси;
Радуйся, яко с радостию крест свой за Христом
несла еси; Радуйся, яко возлетела еси ко горнему
Царствию; Радуйся, преподобная Ангелино,
мати небесной доброты и милосердия.

Кондак 8

Первым сын твой Георгий, преподобная
Ангелино, прият чин княжеский от царя
угорскаго, последи же монашество избра, тем
младший Иоанн поставлен бысть вождем народа
сербскаго. Имея упование крепкое на Господа,
укрепляла еси его в несении бремени тяжкаго,
моляся о помощи Божией с благодарней песней:
Аллилуиа.

Икос 8

Таже паки скорбь порази сердце твое, преподобная Ангелино, сын бо твой Иоанн млад сущ преставися ко Господу. Обаче и его прославил скоро Господь и скорбь твоя обратися на радость велию. Смуты в Среме уклоняся, появ святыя мощи Иоанна и Стефана, и сына твоего монаха Максима, прешла еси в землю Влашскую. Тем тя величаем:

Радуйся, яко плод твоея утробы благолепно украшает Церковь Христову; Радуйся, трапезо многоразличных даров Божиих; Радуйся, любовьию Христовой преисполненная; Радуйся, яко ангельское житие на земли пожила еси; Радуйся, ризнице пребогатая благодати Божией; Радуйся, матери всех скорбящих и болящих; Радуйся, яко постом, бдением и молитвами богатство небесное стяжала еси; Радуйся, яко Христос тебе в боготканые одежды облече; Радуйся, яко Христос тебе венцем Царствия Своего украси; Радуйся, преподобная Ангелино, матери небесной доброты и милосердия.

Кондак 9

Тамо посреди влахов сын твой Максим бе рукоположен в митрополита, мати Ангелино, ты же с ним ради неизмеримыя любви своея ко всем и вся, много добра сотвори народу тому, иже того ради в радости зывали Богу: Аллилуиа.

Икос 9

Ветия небесныя Ангели не возмогут изрещи доброты и величия твоего, мати Ангелино, некоторому бо времени минувшу поиде заново в Срем с сыном ти Максимом и монастырь Крушедол возгради, идеже положиша мощи святого Стефана и святого Иоанна на радость измученнаго народа Сербскаго. Радуюся и мы с ними, благодарим тя:

Радуйся, светлая звездо во тьме мира сего; Радуйся, просвещение во тьме неверия; Радуйся, полков демонских храброе отгнание; Радуйся, и ныне надеждо оставленных; Радуйся, единственное теплое прибежище бедствующим; Радуйся, лоза плодородная вина Небеснаго; Радуйся, яко слава твоя сквозь века поминается; Радуйся, яко мнози к тебе в боли притекают;

Радуйся, яко потоцы слез у мощей твоих проливаются; Радуйся, преподобная Ангелино, мати небесной доброты и милосердия.

Кондак 10

Спасение всем творяй Господь по мале времени сына твоего Максима тожде взят от земных на небо, осталася же еси едина, мати наша Ангелино, проводивши со слезами от мира сего твоих сродник, возгради женский монастырь в селе Крушедоле и облечеся в черную одежду покаяния, да тако поеши: Аллилуиа.

Икос 10

Стена еси бе народу Сербскаму и едина верная защитнице, егда святой Максим преставися, мати Ангелино, благолепно жизнь твою взирала еси чад твоих Богом благословенных и со святыми сопричтенных. Сего ради вяще предадеся подвигу и делом милосердия. Тем ти такая похвалы возносим:

Радуйся, яко монастырь Сретения Господня возградила еси; Радуйся, яко монашескую одежду достойно носила еси; Радуйся, яко многия слезы покаяния пролила еси; Радуйся,

яко земное богатство на Небесное пременила еси; Радуйся, яко узников в темнице посещала еси; Радуйся, яко милостию многих утешила еси; Радуйся, источниче исцелений неисчетных; Радуйся, упокоение больных и немощных; Радуйся, огню изобильный любви Божия; Радуйся, преподобная Ангелино, мати небесной доброты и милосердия.

Кондак 11

Пение Богу страна Сремская возсылает, ты бо, мати Ангелино, воздвигаеши церкви и монастыри, утешаеши и помогаеши убогим и бедным, тии же тя с любовью и лаской справедливо называют – матушка Ангелино, восхваляя Бога яко послал еси тебе: Аллилуиа.

Икос 11

Свято и богоугодно поживши, последи и ты упокоися от превелиих трудов твоих, мирно почив о Господе, мати Ангелино, погребена же телом бысть в монастыре твоём женством. Душу же твою Ангелы, ихже ты имя ношаше, отнесоша к чадам твоим и супругу, да вечно радуешься с ними. Тем ти благодарно вопием:

Радуйся, надеждо безнадежных; Радуйся, исцеление болящих; Радуйся, пробуждение спящих духовно; Радуйся, покаяние грешных; Радуйся, помощи беспомощных; Радуйся, свете помраченных; Радуйся, радование скорбящих; Радуйся, утешение отчаянных; Радуйся, славо монашествующих; Радуйся, преподобная Ангелино, мати небесной доброты и милосердия.

Кондак 12

Благодати Божий изволися, мати Ангелино, некоему времени истекшу обретошася святыя нетленные мощи твоя, со всяким же благочестием и торжеством пренесены быша в монастырь Крушедол и положены в раку к сыну твоему святому Иоанну. Таже множество народа сия созерцаючи, воклицаху радостно Богу: Аллилуиа.

Икос 12

Поем честную память твою, аще безбожные турки изрубиша и сожгоша святыя мощи твоя и твоих святых чад и супруга. Сохранися нам едина рука твоя, преподобная мати Ангелино, еюже аки истинная мать милуеши нас и благословение Божие на нас призываеши, егда к

тебе в монастырь Крушедол притекаем и со слезами помощи твоей испрошаем. Темже, матушко наша, от всего сердца сицевыя похвалы тебе возносим:

Радуйся, яко в тихое вечное пристанище душа твоя достиже; Радуйся, яко и по смерти жива являеши; Радуйся, яко сторицею от Бога награду за труды приняла еси; Радуйся, яко иконы твоя многия храмы украшают; Радуйся, яко прославляеши прославляющих тя; Радуйся, яко верных ко Господу приводиши; Радуйся, яко молишися о спасении мира; Радуйся, яко мощи твоя светом чудес сияют; Радуйся, монастыря Крушедола вечная игуменство; Радуйся, преподобная Ангелино, мати небесной доброты и милосердия.

Кондак 13

О, святая мати Ангелино, упование наше и защито, услыши молитвенный глас сей, и помози нам, чадом твоим, да очистимся от греха и всякия нечистоты, да с благим упованием отыдем из мира сего, аще и последний будем во Царствии Небеснем, идеже вси радостно поют Господу: Аллилуиа.

(Этот кондак читается 3 раза а затем снова Икос 1 и Кондак 1, после них Молитва.)

Молитва первая

О, преподобная Ангелино, мати наша добрая и милостивая, помози нам, чадам твоим непослушливым. Ты еси мать наша благая, скорбное житие на земли пожила еси, обаче с помощью Божией, победы в битвах храбро стяжала еси и душа твоя в свет Царствия Небеснаго радостно вселися. Твоя домашняя Церковь Христову украсиша и позолотиша твоими святым супругом Стефаном и сынами Иоанном и Максимом. Имела еси сердце неизмеримо большое и сострадательное ко всем, находящимся в беде. Посему благочестивый сербский народ звал тебя лучшим из слов дарованных Богом – матушка. Яко ты еси мати всех нас, сербов, твоих, которые, аще и согрешиша много, обаче любим тя и почитаем и к тебе за помощью притекаем.

Кая бо мать детей своих возненавиде, аще и согрешат зело? Ни, но мудро наказует их, любити же не престаёт. Поэтому и ты, мати наша добрая, накажи нас с небес, бичом Божиим, но не оставляй нас без твоея любви.

Десницей правды Божией покарай нас, а десницей любви укрепи и верни с путей неправедных на путь истины и добра.

Молимся тебе, мати добрая, молитвами твоими испроси нам благословение небесное: болящим здравие, немощным силу, отчаявшимся надежду, голодным хлеба насущного, бесплодным чад, гонимым кров и утешение, и всем молящимся тебе подай по великой милости твоей просимое. Но и еще больше даруй нам, мати наша добрая, благ небесных души очищающих, укрепляющих нас в исполнении заповедей Божиих, ведущих нас к добру и уводящих от всякого зла. Ибо аще не бежим от зла в мире сем, како убежим от него в ином мире, аще не очистимся здесь от грязи, како сможем там, где смотрят на то что отсюда несем.

Помози нам умерети миру сему, якоже и ты миру мертва бысть, возжелавши блага непреходящего и вечного. Пусть и наше благо на небесех будет, дабы и сердца наши на небесех были, а не здесь, идеже все гниет и исчезает, идеже вор крадет, и моль и ржа тлит. Аще бо все силы своим положим на блага мира сего, за горсть праха земного, юже ниже с собой

возьмем, тем и ты нам помощи не возможеши, мати наша благая. Аще же немного потрудимся, хотя мало возопиим ко Господу чрез тебя, невесту Его небесную, таже помощь твоя изольет неисчислимыя блага небесныя, иже укрепят нас на узком пути спасения, аще и сотни смертей нам предстанут.

Воистину душа наша вся грехами разодрана и бедна добродетелью, милосердный же Господь уготова лекарство – покаяние. Да родится в нас, хотя малая часть того истиннаго покаяния, еже Господу принесла еси, мати наша святая. Оживи божественное в душах наших твоими теплыми слезами, яже изливаеши на всяк день о роде сербstem, да уразумеем бездну долгов наших пред Богом, Он же прощает долги наши, аще искренно и слезно попросим Его о прощении.

Темже смилуйся, матушка наша Ангелино, крушедольская святая игуменья, и помози нам спастися ото всякаго зла, дабы однажды твоими молитвами ко Господу, вошли в покой Царства небеснаго, идеже вси благодарно прославляют Святую Единосущную и Нераздельную Троицу, Отца и Сына и Святаго Духа, ныне и присно и во веки веков. Аминь.

Молитва вторая

О, великая угодница Христова и преславная мати наша Ангелино! Ты на небеси душею своею у Престола Божия предстоиши и славословие Ему непрестанно возносиши, обрати взор свой на нас сирых и скорбящих и помолися за нас ко Господу, да наставит нас на путь истины и благочестия, коим возможем и мы по скончании жития нашего в Отечество наше небесное взойти и с тобою Богу поклониться. Ей, преподобная наша мати, зриши с небеси, яко время тяжкое безбожное наста и души наша скорбию исполнишася. Несть спасающего, несть помогающего, токмо Бог Единый, на Него же уповаем и Ему же славу возсылаем со Отцем и Сыном и Святым Духом ныне и присно и во веки веков. Аминь.



ПОЛНЫЙ АКАФИСТНИК КАНОНИЧЕСКИЙ

АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ

І

НОВОЕ
* НЕБО